

上清高聖太上大道君洞真金元八景玉錄

卷六

上清高聖太上大道君洞真金元八景玉錄  
東華上仙曰太上八素隱書南華上仙曰大  
洞真經西華上仙曰金真玉光映天洞觀玉  
經北華上仙曰蕭條九曜豁落七玄上經玉  
皇中華上仙曰太上高聖八景玉錄中央黃  
老君南極元君藏錄二經於太素瑤臺玄雲  
羽室封以鬱森之笈玉清三元之章乃命北  
寒金臺龍華玉女七百人又命白空虛宮西  
靈玉童七百人侍衛大洞真經及太上虛生  
大隱符玉錄焉 上清高聖太上大道君者

蓋二晨之精炁慶雲之紫煙玉暉曜煥金映  
流真結化含秀苞凝玄神寄胎母氏育形爲  
人諱囁真字上開元母姪三千七百季誕於  
西那天鬱察山浮羅岳丹玄之阿側矣元監  
朗於始旦八洞被於太初周觀九緯俯濯醴

集六

川逍遙攝生採真食精飛玄揚羽漱挹泰明  
受籙紫皇位司高仙振風朱素朝會萬神玄  
淵峩岑大音彌芬希想玉真之虛霞上清之  
靈晨爾乃被思眇慕蹈空栖真沉朱華璋解  
冠九天眇朗丘岳極洞萬峰神秉五曜形磐



七元感精太寂思招玄清遂浩映渟暉飛珠  
濯靈隱芝結秀寶光夜生朝探華晨餐晨上  
精乘雲落煙八道煥明神電迴風綠炁幽藹  
廣眇八浩九元帀至再登紫陞三飛瓊關四  
賓太素五宴琳室携握五老洞源極密高尊  
上帝莫不履比 慧暢玉篇咀嚼沖味徘徊  
幽虛嚮流逸霄形沉八玄韜光萬源浩浩冥  
貫條條霞標神秀外覺炁彌淡州容與大化  
寥廓本无太空任寄即色随消溥風滿峙恬  
機理愉天音朗解高塗窈窕玄心充於希韻

飛翰蔚乎慶煙龍潛一勃鳳儀眇扇遂撫四  
大摠括弱喪於是受書玉虛眺景上清位為  
太上高聖玉晨大道君治藥珠日闕館七映  
紫房玉童玉女各三十萬人侍君散香馬佩  
九色離羅之帔衣飛森霜珠之袍中湏臾百

集六

變之冠帶晨光日鈴育精之劔下極萬萬受  
事虛皇也君或累變常流順風入藹鼓揚三  
道下眇八外登乎立阜杖褐萬國玄唱四振  
領拔宏致鵬翻八撫和音流萃委彼雲霞之  
上韻暫釋一往之眇蔚俯攝蒼梨壘壘彌邁

夫決疑朗惑欽範靈德曜龍文於蒼淵煥采  
雲於川澤濯天貌於蘭玉發金精於幽谷乘  
大順以御至象遊冥神以混五濁虛澄九落  
勞不止足凝形泊中提携榮辱寔太上之曲  
教也若其耽栖靈觀洞宴七覺機芒飈未測  
神盡與弘模滌滄虛遷幽間神浪希夷九音  
以懸玄寂既忘託寓華園照照法標明明功  
全妙激重理靡洞萬千儻景扇虛乘空抱煙  
磐紆七紀籙首上緣靈符曜散敷陳心篇括  
致沉蒙運轉滯輪綜結五象携領諸天寔太



上之化理以視於羣方也若夫散教養形赴  
救神炁明立三宮沖靈獨泰寥朗二順含元  
嘉會遣撤雜思忘累遣外行洞幽虛積妙成  
大吐故受新攝精逐穢除邪念之紛交藏真  
正之寶貴漱晨華以招日皇挹夜明以抱月

集六

三

珠營儀橫運煥啓太无結璘吸霄雙景合遊  
飛芝葩玄靈若被岫鳳腦鼓翼於金曆麟精  
奮耳以振軀夜光煥乎五嶽晃朗垂條而結  
華隱龍鳴雲瓊子竦遘於是靈瓜漫龍紫栳  
鬱丘丹散千合玉密懸嵎蹠躑七元登空駕

浮西靈浩漿東建醴朱酣丹琳可以遷九玄  
味虎沫足以嬰朽夫爰有四藥紫津三華玄  
剛青瓶漂芝玄柯瑩琅素盈衝霄絳生五英  
挹玄渠之甘露變白首而方童矣若登峻嶺  
洪秀天和育明弱羅煥扇神柯晨榮縹蕊落  
林丹蘭敷靈崢崢巖虛飛煙奏香合谷獻葩  
芳液凝形紫碧絳雲金條艷精總根太華吐  
納七冥六慶揮慧八解寄成略略遠暢飄飄  
絕冥心泊節悞以迴孫嬰也於是定覺造信  
明序等疇玉真啓晨沐浴靈丘清賓上朝精



心豁愉蔚蔚三關偶景以綢窈幽內韻含唱  
高柔伏麾命仙研神少元歷落九天儼然整  
齊七聖表梯高風以標明範既維總運四浮  
也將有靜詠瓊堂惜翫大有靈風散景六雲  
生曠從容霄杪俯眇崇阜蕭條萬谷總纏空  
畝擲輪靈津飛獸嗥旅神童翼蓋西華宴石  
芬霧繞襟芳煙生乎寥寥岳器金箴玉藪五  
象八廓澄景合偶遊觀隱奧是以永久也時  
復解帶萬流日遊月旋招風扇羽流蕩九遷  
明霞遂鏡暝暝重玄雲房含曜採真理間窈

窈絕宅神洞寥間精暉內映三館潔鮮千痾  
不兆故有常痊遂爾振策七圃揚青建朱騰  
空儻旌駕景騁颺徘徊八煙盤桓空塗仰簪  
日華拾落月珠摘絳林之琅實餌玄河之紫  
渠偃蹇靈軒領理帝書萬神入拜五德把符

集六

四

上真侍晨天皇抱圖太真四告中篇定模六  
紀流盈整炁攝虛於焉撫空仰玄吟唱而言  
曰子欲為真當存日中君駕龍驂鳳乘天景  
雲東遊希林遂入帝門若必昇天當思月中  
夫人駕十飛龍乘我流零西朝六領遂詣帝

堂精根運思上朝玉皇蒼敷鬱儀以躡景晃  
散結璘以暨霄九緯橫擲七象電幽靈風交  
鼓二晨八道騁素以侍朝三雲煥華於北維  
萬龍騁騰以唱嘯東鵬鼓節紫華啓翹高奔  
圓精洞景逍遙雙皇合輦後天而彫也隱通  
坦陶神泯烝平靈賓森列披素玉庭左把龍  
符右操虎經八風洞虛流響五城玄黃煥落  
鬱若羅星三寶交扇少冢搜瑛高宗拔藻鎗  
鎗彈瓊玄音續拔金振琅砢鸞儂雲池飛鳳  
唱聲紫杜運蘭繞空繞靈躍踏太霞曜采上



清發飈龍隧駭動八明累椿積劫保茲利貞  
也或變教分道假名移形六一過未玄雲育  
成飛丹水玉騰躍雪霜靈華八射紫游九揚  
徘徊亂轉曖昧三黃絳液易精九琳吐芒琅  
玕百變碧映水陽八瓊飛景秀蘂綠漿曲晨

集六

五

乘霄流金月明玄津玉醴靈映五公光弃投  
音一唱八張波若火精伊離玉薑金鏃百會  
舍利縛香鬱鬱靈寶化易文章刀圭既陳壽  
不可量實真元之珍藥上帝之所祕藏也或  
鍊五雲玉華靈金餌清朱魄綠蘂華腴碧精

南燭翠飢沉沙空青朝探五晨玉淵素操亦  
能反故還新變老得嬰也於是四炁運和八  
風扇虛宴眇紫林振裳九隅扶桑鬱秀建木  
舞丘萬真逡巡濯翮滄流百草結柯五華曜  
敷蕞茨夕生合節而浮若登齋入室當先驅  
除以辟鬼病又防百試乃冥目內視拊心而  
祝北向叩齒三十六通有微言於玉清瓊元  
君曰六天大魔王受制幽寥无巨獸赤甲毒  
龍四喙白鷹仰鳴奮爪振豪萬精幽匿滅邪  
破妖天丁一怒五嶽啓朝風火征伐九天扇

照矣於是重捷閉視練神密精調研三宮存  
一天庭帝君撰宴卿輔普明和適炁液朝謁  
九靈五神安疊津源流盈白元啓真无英布  
生洞景潜朗四德以平結暉內寶歌洞翫清  
太素列圖壽亦不傾也時復廣眇空同漱嘈  
絕漢乘風振轡始暉滄畔演心八陔熙神獨  
粲登碧水之靈臺觀滄洲之紫館希悠眇眇  
霞飛煙散藹裔雲鏤翳勃晃爛偶景眺目儵  
欵萬旦虛音互騁玄風合讚扇元掣剛日華  
晞煥縱容霄漢所以永宴矣若採琳玄龍翦



芝瓊園眇邈高真巍巍天尊玉華翼景金真  
繞轅絳波嶽踊躍心和鮮手落七曜澄迴八  
門仰浮苑河俯步絕山領理上契咀嚼至玄  
把持法器懷精含神飄飄高肆順風隨新曇  
曇德模潛英啓全所以積椿久眇常保利津

集六

六

也或遇綠林茂嶸逸景結丘逍遙玄覺觀化  
玉虛萬度非有本質在元軒飈神磐靈姬啓  
符羽翥溟霄翠帔翳舒高詠玉清講豪原初  
太微侍席五皇曜樞洞機宣幽至象合殊玉  
童彈璈北華啓箏天女羅陳百百齊并玄鈞

四噦千音鏗零紫鳳撫翅漱籟同鳴雲鸞差  
池整喙唱聲神羽翬呼飛徵揚商蒼龍仰喙  
叢雲鬱生神虎嘯咤八風扇庭撞金折玉拊  
鍾拍瓊朱煙蔽勃三素綠青圓精寢曜飛霞  
助冥然後太帝下席散神縱靈眺眺霄符晃  
朗亭亭左揮南房右指文昌進趣竒蔚會節  
順翔窈窕衝晨蹀躞滄浪烝貫逸館羅桂拂  
空揚旄遏麾秉旗招光遷延內詠心和魂暢  
眇眸既周一至永長矣又各大唱妙幾論元  
理靈玉響八維金音振庭開陳太素敷誘隱

冥衆藻扶疏微言續呈暉條森灑極妙之精  
旁遘岌業以羣臻別柯芬羅以散榮有邁於  
閭闔之南映又似乎紅葩之繞梁流景之伊  
鬱飛煙之藹蒙曜九采於帝圖歌紫虛之邕  
邕廣聽嘈囂於玉臺擊石沸駭於金堂五雲

集六

七

纏蓋八素朗章招日月之高精命七宿之靈  
網握節以步六天振朱紱之煒煌儻十絕於  
北燭麾華幡於白空乘神風以盼八景何事  
九鳳與八狼綠蓋眇眇以竦躍絳旌飄飄以  
逆衝九纒一壘躡霄雲驤摘青丹之蕊翹散



飛華之反香懸藜五練而水柔九琳洞合而  
玉成火琅遂珠流金採瓊迴勾陳之北阿落  
散晨之極星秉輪空同運炁而征藐我奧真  
法恒數成有齊上契命何可傾若其元溥遊  
泮微音激清執玩三慧鑿攝黃寧浩哉聖玄  
微乎幽翰洞起无生空逸啓旌握固神庭纏  
繚靈關外夷四鏡寶在六元茗茗玉德形器  
欵延可謂溫和萬範順轡御圓也及至少齡  
時栖方遂八易清淡抱生眇眇神迹婉延化  
理測幽極頤妙運竒絕寓翰汜適龍華駟煥

於繡雲五映潛躍於太霞丹暉電曜景風扇  
和高會上宮汎浪虛波悠悠玄真濯炁玉河  
振披八道磬流霄阿乃為理玉日新不居是  
用積劫靈累後无弗殂也爰有寶魂制魄凝  
神胞胎之法發數十言耳可以安身合道衆  
魔散却乃異天之絕祝祕宣龍燭之玄北其  
旨不可得而演重言不可得而譯鳥音獸聲  
風纏雲落殊天幽唱莫能通釋若聊總領竒  
翰採炁洞宅領括九幽冥韻內廓乃玉音金  
流以施於南戶之方矣本命之日及有心震

之地閉關精思叩齒三過安炁呼吸正身北  
趣而心存微言曰羅勒那翰方柰闕練斑目  
勃隧憚漢巨蛇赤察白象丹黎大魔真韻廣  
敷虛靈峙霄總覽吉凶發洞暢幽儻眇衆品  
領括繁條百方千塗莫不豁寥天地齊度孰

集六

云能彫也畢若夫决分萬滯剖堅散疑觸音  
合節四映顯丕天曜煥遷不傳不師八風迴  
釋天帝陳辭曰羅來秀光玉虛四司激摠八  
坦秉安定危有生无營玄精致思悠豁極洞  
物非我持混形同乘焉能及之嘉宴寒津坐



起大夷二唱曰无三合五離大羅六慧空同  
九轉七清澄光四元繾綣體神忘覺萬慮非  
盡華文空肆玉朗雜軫廕雲重玄眇內輪墮  
七積動颺冥心遠泯細塵亂藹原宗歸大任  
形投空造神內外冥默妙篇自然高會沖靈  
獨鏡恢恢遠泰四律受炁雲澤脩永九觀元  
元心亦豁靜虛煙牢落二晨煥頽雲梯遷適  
无轡而騁八界三道胡神以驚高德遠曜衆  
門運靈即空亦无作无兩名太玄一標支條  
由情幽寥照灼滄音和清二度七結及乃无

生颺霄遏離有中頗虛大妙雖唱玄景未踈  
塵迹始豪坐與本无不貴常珎理歸漠愉大  
慧已釋與天同休萬事百向莫不會遇將有  
真妙玄致靈章无方恍惚竒洞高眇圓鄉擢  
此神音觸類在亡凜凜登霄芬芬運芳仰執

集六

九

軌度於絕間俯拯萬和於弱喪四輪揚暉真  
元眇遷大帥秉施把籙明篇乘颺榮景龍騰  
九天法鼓洞震瑋曄靈磐曜南宮之朱皇浮  
七盖於玉津扇擲羽旂徘徊靈源綠雲掣旗  
北風振羣流鈴羅射颺皇生幡導達萬變應

節扇煙朱虎俠景毒龍翼軒伺凶夫之失道  
威六天之太姦有惡必誅有吉必存千魔為  
之伏首山精為之自殘流響逸乎太空二景  
藹而落煥矣逍遙羣品汎形萬旦高極玉霄  
下盡抄散變化假體千術肆觀惠化衆兆各  
獲曩情上下蒼黎開括元生標名列籍致神  
測精有能施用飛登上清洞元詠微出出入  
冥乃撰太上八景玉經羅真之妙闡帝之明  
子獲其篇號曰元景左卿思習洞道上清左  
公佗為三素逍遙紫空夫總億兆者將撫攝



羣流軌運萬物周眇廣虛目朗八外盡空同  
之所宗邁玄暉之極蔚雲合遼涯風行煙萃  
罕得高靜霄霞指兩儀之修御也豈容默然  
三清任六氣以假適乎遂緋心坦觀熙靈十  
阿於是乃命八帝撒落萬靈告水源之陰甲  
召五皇之守君河海整巖千真理輪火甲厲  
鋒天丁揮斤山嶽開塗日月照晨爾乃太上  
大道君將游行乎九霄眺神於外天採幽章  
於玉虛求隱符於紫皇明光八維略微羣方  
者也於是太上大道君初乘一景之輿駕八

素紫雲攝希微倉帝名錄豐子俱東行詣鬱  
悅那林昌玉臺天見玉清紫道虛皇上君受  
九暉大晨隱符太上大道君次乘二景之輿  
駕七素絳雲攝中微赤帝名定无彥俱南行  
詣高桃厲冲龍羅天見玉清翼日虛皇太上

集六

十

道君受觀靈元晨隱符太上大道君次乘三  
景之輿駕六素紅雲攝紫微白帝名渠淵石  
俱西行詣碧落空歌餘梨天見玉清昌陽始  
虛皇高元君受總晨九極隱符太上大道君  
次乘四景之輿駕五素青雲攝玄微黑帝名

齊元旋俱北行詣邠摩坦婁于翳天見玉清  
七靜道生高上虛皇君受沓曜旋根隱符太  
上大道君次乘五景之輿駕四素黃雲攝始  
微上帝名接空子俱東北行詣扶刀蓋華浮  
羅天見玉清太明虛皇洞清君受玄景晨平  
隱符太上大道君次乘六景之輿駕三素綠  
雲攝靈微中帝名秉巨文俱東南行詣具渭  
耶渠初默天見玉清始元虛皇太霄君受合  
暉晨命隱符太上大道君次乘七景之輿駕  
二素紫雲攝宣微下帝君名宏膚子俱西南



行詣沖容育鬱離沙天見玉清七觀无生虛

皇金靈君受齊暉晨玄隱符太上大道君次

乘八景之輿駕一素靈雲攝洞微真帝名泗

澄攄俱西北行詣單綠察寶輪法天見玉清

八觀高元虛皇溥景君受高上龍煙隱符太

集六

十一

上大道君又乘洞景玉輿駕太霞紫煙玄景

之暉攝九微內帝君名申明閑及上皇九玄

九天諸真仙王等俱仰登彌梵羅臺霄絕寥

丘飛无雲根之都玉清上天見玉清紫暉太

上玉皇明上大道君受高清晰太虛无極上道

君隱符太上九遊之嚴矣。伺騰之初也。八景  
次駕八素運煙玉輿飛旂太霞繞輪引日合  
月俠輦揚軒五皇驅除發曜九天元剛把籙  
北極命神大帝啓道太素攝雲神虎七千以  
大嘯毒龍九百而開津猛獸唱塗六領銜山  
鷹禽奮爪斷羅萬紆九帝帶日景五嶽剖九  
關爰有火甲赫柏圓兵森羅執戈百丈躡阜  
傾河天丁武卒萬萬螻蛇女騎千里落羽浮  
虛仰擲火鈴躍空晃流流金逆激煥裂八嶠  
威風洞源扶林拔株慶雲藹藹以玄竦龍霞

幽羅以衆扶帶七晨之夜景要九光之月珠  
黑虎酣號散揚天陳叩玉鳴鍾北鬱啓旦明  
轡九衢寶香華散景輦擲霄八素儻軒千百  
萬塗黃衣師兵羽蓋浮空丹旗延精錦牙龍  
旄萬萬相傾飛煙薄日映鬱喪明五霞纏曜  
衝藹虛庭握節制魔揮劔步精龍人吹簫文  
虎奏箏玉鼓震雷九暉晝冥八狼御律齊音  
鏗鏗雲璈虛彈歷落宮商角羽納徵合空洞  
明神姬八百歌儻上清雲帔錦袂羽巾伺青  
右揮浩真左招晨桑窈窕雲陳翠華流星仿



翔羅列交袂連頸潛濯太虛彈空吸景呼七  
道之紫煙流龍燭之熒熒萬盼極歡逍遙霄  
領邁霞超空凌厲玉城天鈞鳳音羽鸞唱鳴  
飛華雪灑夜日運精瓊華九節潔白如霜太  
桂生系掃拂圓明晨霞列轡三輪九輶沸洞

虛玄顛倒杳冥大哉玉駕何靈德之至尊鬱  
矣霄景何飛藻之蔚翰夫大音洞暢玉道幽  
邃高曜迴明玄華朗蔚妙響却扇神姬列衛  
五老輔身進德益炁和魂攝精七魄受制洞  
仙虛真帝一尊貴於是司命齊飈公子同輶

徊轡八塗流神九精五帝下迎早造上清北  
謁五帝唱詠洞經寢宴太素華羽圓明金妃  
詣房玉童散香讀訖於此心拜四方所以尊  
貴洞靈心願騰空也畢受大洞真經三十九  
章太上大道君玉籙八風徘徊帝一之道者  
當先清齋三年或清齋七百日或清齋一百  
四十日沐浴五香存真念仙玄心善告稽首  
師門乃受之矣授經曰師君受經曰弟子自  
非赤心坦幽長苦靈囿肘伏師門頓首德宇  
者而洞經玉籙終不告兆也兆身无竒炁持

鍾自然合神神光內照羽暉映玄太素生五  
藏七靈入泥丸骨有五帝之玉暉血有流金  
之浩泉如此皆天仙之相也自无此天相亦  
終不與此經師相遭遇矣受經盟誓割青破  
鏤啓約相授截帶骨親然後乃得行帝一之

炁讀大洞真經太上玉籙焉經師源於本玄  
攝始炁以運幽拔滯路以通真啓雲津以告  
翹大渡越於水火必生明乎濟超為此經弟  
子者當苦心經戒尊奉師君饌饍同味甘苦  
分均始終鏡於神明嶮痾同於塗辛然後帝



一盼善以恒坦之固太上揮匠以必成之輪  
心膂无鬲於所崇五藏不沈累於泥丸於是  
炁遘晨霄德拔七玄世生大福子孫常貴  
仙重及累萬萬方來植道根祖考反生胎太  
上輔兆神於是玉房明白九佻混分鏡心常

一百靈歡然盈縮所苦常存師君大洞真經  
高上首篇三十九章畢於是焉受大洞真經  
三十九章太上大道君八景玉籙八風徘徊  
帝一之道太丹隱玄迴元五通十二上願玄  
母八間先進洞房金華唯一九玄列紀靈書

紫文鎮生五歲琅玕華丹者當破鑲割繩乃  
得傳之節度如左紫金為鑲鑲徑一寸截破  
一鑲分為兩半經師及弟子當各帶一半終  
身佩之青絲為繩縱長九尺各割半以纏繞  
縛此半鑲又合帶之青錦一尺八寸各分半  
為囊以盛此金半鑲及青絲繩矣分鑲繩各  
畢弟子三拜受經經師跪授之各心中存祝  
曰某甲今受大洞真經三十九章太上大道  
君八景玉籙當令身昇紫虛上造仙宮七祖  
父母反胎攝生大福大慶世世來庭子孫繁

盛千千華明受經无泄諷脩玉童事事如法  
戒奉以保身形違戒背經世世生禍殃割絲  
截錄上聞三清下告五嶽北帝三官畢

晉永和十一年歲在乙卯九月一日夜半  
受經於紫微王夫人凡二萬二百三十字

集六

十四

其大洞真經一萬字

上清高聖太上大道君洞真金元八景玉錄



